


Segun Instituto IDA

Raoul Henriquez kier desaroya Caya Grandi, pero su compania ta un compania fantasma

No tin ningun Down Town Development inscribi na KvK



ORANJESTAD(AAN): Diamars DIARIO a entrevista presidente di Institute for Industrial Development Aruba (IDA), esta Ingeniero Francisco de Mey y Milton Ponson tambe di IDA, tocante di e asunto di desaroyo di caya grandi.

Ing. de Mey a splica cu e problema di e iniciativa di Raoul Henriquez di Down-town Development Corporation, ta cu no tin otro cu a haya oportunidad pa bira e desaroyador di caya grandi.

Banda di esaki, e persona aki cu tin 8 luna caba "in the picture", no ta inscribi na Camara di Comercio.

IDA a bay chek na KVK y a bin resulta cu e compania di Raoul Henriquez no ta registra eyan. Nan no tin ni file cu peticion pa inscripcion den KVK.

Segun landsbesluit di 1991, e compania di Henriquez ta ilegal, of den terminologia actual, e ta un compania fantasma.

Si e compania no ta inscribi na KVK, esaki kiermen cu e no ta inscribi na Belasting dienst y tampoco na Economische Zaken.

Esaki segun de Mey, kende a sigui bisa cu e pregunta grandi ta bira, con un Minister por bay negocia y yega na cierto acuerdonan, cu un compania cu no ta ni existi. Peor ainda, duna nan cierto garantianan y derechonan.

Segun Milton Ponson, IDA no tin nada contra desaroyo di caya grandi y no ta tuma parti pa ningun partido politico.

IDA su meta ta pa promove desaroyo industrial y crea un infraestructura pa nos diversifica nos Economia.

Ponson a sigui bisa cu e asunto di desaroyo no ta transparente.

Tur cos ta sosode tras di cortina.

Tin 8 luna caba ta papia di un N.V., nan tin Mambo practicamente hinca den nan saco, pero nan no ta inscribi ningun caminda.

Esaki mientras cu segun e "landsbesluit" riba esaki, un compania dentro di un siman despues di e prome iniciativa, mester inscribi su mes.

Den e asunto aki, ta muestra manera Gobierno no kier duna ningun otro hende

oportunidad igual pa por desaroya caya grandi.

Segun de Mey, esaki por ta intencionalmente, of puramente bobedad di un Minister, cu no tabata tin e capacidad di pensa, pa bin cu un destaho publico.

Pagamento di boet a surpasa 25 mil florin

ORANJESTAD.(AAN): Cobramiento di boet ya a surpasa 25 mil florin.

E team encarga cu cobranza di boetnan ta sigui cu nan accion.

Nan a bishita un total di 25 cas.

A logra cobra 9 persona cu a paga total di 1800 florin.


Tambe riba e lista ta aparece 9 persona cu durante di e accion di e marduga no

tabata na cas.

Tabata tin 6 persona cu a muda y un persona, segun e informe, lo ta interna den Samba.

Ta sugeri tur esnan cu tin boet pendiente pa paga cuenta na Ministerio Publico pa evita ora e esnan di e team special bati na bo porta bo no confronta sorpresa si bo no tin placa pa paga.

ANDIN BAI PE!!



BEST DEAL

Tel: 5827100

(Pariba di Aruba Bank, Paradera)

Maletin pa scol



SPECIAL PRIJS